

莆陽詩輯

卷

四三

新平集

PDG

國朝莆陽詩輯家數

邑人涂慶瀾海屏選編

男

開棠叔
開棠少海
開棠方
校字

劉尙文澹齋叅訂

受業諸人同校

卷三

陳春溟池養十七首

翁竹坡煥孫二首

郭蘭懷尙英一首

游禹人河清一首

陳蘭士 遠三首

李星衢光森八首

朱粲如 英十一首

陳荔莊喬齡一首

陳荔農椿齡九首

林岵瞻揚祖五首

宋柘耕際春三十八首

龔紫山繼昌一首

黃石樓 卷一首

翁魯巖大謨八首

林少坡起龍六首

吳葆園鼎榮四首

李雪樵夢白六首

右詩十七家共一百二十二首

國朝莆陽詩輯卷三

邑人涂慶瀾海坪選編

男

開棠叔蒨少海

校字

劉尙文澹齋叅訂

受業諸人同校

陳池養

十七首

字春溟嘉慶己巳進士官直隸武邑縣有慎餘書

屋集

荔隱居紀遺春溟先生官畿輔早歸林居三十餘
年修東角隄木蘭陂南北洋著有水利志又主講
興安書院有年所成就多知名士咸豐癸丑永逆
林峻率黑白旂攻府城先生督鄉人禦之寓書張
孝廉大原倡率南洋百姓擊退逆城賴以全厥
功尤偉余前年歸里偕里人呈請入祀鄉賢祠所

著詩草若干卷，滿真雅秀，卓然可傳。

德州道中

朝發平原驛，夕過德州渡。
迢迢遊子心，所憂在歧路。
昨夜東風起，吹土空如霧。
已發江南花，未綠齊東樹。
花繁樹復綠，春事忽成故。
人生幾歲月，頻此車中度。
安得四達衢，一騁千里步。

呂叔訥先生見詢隆平舊事呈詩

河北見烽火，蟻賊紛相望。
負戈自摩厲，鞍馬趣疆場。
大伾屯軍壘，形勢反蒼黃。
視師相曰：度弧矢，射天狼。
書生

競錐末薄績取所長壯已過終軍衰未如馮唐

讀蘇文忠詩集

揮灑似太白忠愛同子美宋詩雖遜唐如蘇亦可喜朝
廷誤用人牟利壞綱紀羣小以類升諸賢憂道否諤諤
諫諍姿不肯阿與唯美既成鳳毛險遂蹈虎尾極知名
爲累未覺詩可己身窮詩益昌亦如杜與李誦詩因論
世公蓋奇男子

紫霄巖怪石歌

紫霄怪石石崔巍無數石來山亦來想見神人驅石鞭

之走紛紛墜落山巖隈深者垠根古高者不着土或似
舟在陸或類牖通戶轟或震爲雷擊或聲如鼓琉璃峽
轉天台橋羅漢洞外成僧寮禪師伏虎坐說法詎滅鷲
嶺鬱岵嵒如今點頭無其事不言聽經暮與朝補天願
得女媧煉常作雲霧騰青霄

陰寒晚行

凜冽真如此茫茫安可行浮雲迷去住落日變陰晴溪
帶寒濤壯山含薄靄明伊余寄浩蕩尙覺氣縱橫

贈臨城鄭咸山明府

城邑千山裏人家萬木巔其風餘太古爲吏亦神仙知
向彈琴暇常多刻燭篇栖皇余若此未敢訂忘年

東明道中

控馬馳河北塵高大野風凋殘今右輔割據古天雄枯
賸孤村樹哀多中澤鴻及春猶望雪我欲問蒼穹

贈東明朱少廬明府

烽火卒然驚潢池正弄兵時危虞詡宰援絕耿恭城
爲同民壯身緣報國輕論功真卓越誰信出儒生

早春晚行

春意鬱青葱平疇暝色中晴雲低暮靄落日起寒風人
語前村火鴉羣大樹叢自憐戎馬後蹤跡尙西東

贈平鄉潘松巖同年明府

一行雖作吏面目尙儒生地瘠民風古官貧宦味清鴻
毛終遠舉驥足問前程獨我栖栖者無才答 聖明

拙稿承楊雪椒光祿鑒定賦謝

耆宿三山望才名一代雄照人同古月得句勝春風爛
漫繁花候嶙峋怪石中書齋頻入座提倡意何窮

又次韻答巨卿

天漢星稀宵湧月山城鼓擊夜驚雷銀燈合照通街鬧
竹馬歡歌踏地來應有豐年勦短馭更須廉吏濟長才
陽春曲奏陽春令憂樂相循日幾回

盧忠烈公象昇

所當大敵詎能支鉅鹿孤軍尙指麾難到十分翻見制
計除一死更何爲深嗟苦戰裹屍日猶是工讒銷骨時
萬里長城都自壞熊前袁後更堪悲

天馬山房 明御史朱泚歸田讀書處有天馬山

房文集

幾點朝班歸去來一方泉石任徘徊
崇阿偶近楊雄宅小築如登杜甫臺
雨暗西山春水漲潮高東海朔風哀
當時澤畔行吟地憑弔今餘半壁苔

弔王懷佩孝廉

真堪把臂入儒林經世偏饒一片心
政每代謀甘受謗見惟自任少通今
城依北嶠秋風冷溪近南關夕照沈
死重泰山雖未許肯從俗論苦相侵

哭楊懋嘉部郎

料是乘雲上碧空翩翩無復挹清風
地居蠻觸紛爭際

人墮滄桑浩劫中萬事難圖成蔓草一山獨秀是孤桐
翻思夏雨沙溪漲濶別死生恨不窮

車中偶成

落花飛絮拂輕塵百轉鶯聲夾道春多少風光歸柳上
最無聊賴是征人

翁煥孫 二首

字竹坡嘉慶丙子舉人官福清訓導有刀環閒唱草
荔隱居紀遺竹坡先生有雋才早魁閩省自貢殊高
十上公車僅艱一第主講擢英書院十餘年勤於造
士先君子實從之遊嘗聞誦其刀環閒唱有云觀潮
不遇秋風使閒殺枚生七發才流水高山須變調人

閒不尙伯牙音買就湘裙十二幅憐他幅幅畫鴛鴦
唱到昭君哀怨處滿天風露倚闌干讀者亦可悲其
志矣惜遺集散佚

泮池並蒂蓮

天生雅艷壓羣芳並蒂蓮呈璧水祥映日雙花交四映
凌波一幹占中央疑趨絳殿比肩立不作香奩半面妝
佳氣蒸蒸應有喜等閒花草漫評量

文明百里萃壺華況是安仁縣裡花五色頻煩澆夏雨
駢葩瞥見簇朝霞風前庾鮑兼雙美日下機雲本一家
蓮幕乍開聞喜客高吟仙令與方賒

郭尙英 一首

字蘭懷尙先弟道光拔貢

長春花

長春開恰對簾櫳
綽約輕風小立中
昨夜金鈴聞細語
今年花勝去年紅

游河清 一首

字禹人嘉慶歲貢生

登梅隱巖

何處傳梅隱城山
歷古今花明隨雪盡
徑僻入雲深勝

事湮如許芳蹤指一林斜陽回首外半付與鳴禽

陳遠 三首

字蘭士道光乙酉拔貢

荔隱居紀遺蘭士性情高潔如孤雲野鶴晨炊有無
弗恤也竟賁志以沒同時有何雨臣澤金高致不亞
蘭士亦善鼓琴時則披簑戴笠作漁父裝不知其爲
名孝廉也惜兩君集均已散佚

挽吳訥人徵君

清泉白石戀家山書癖吟懷老未刪夜半文星沈海角
袖中詩草在人閒銀河此夕乘槎去華表何年化鶴還
太息登堂人不見沾巾不禁淚潛潛

到處蒙君說項斯忘年縞紵訂相知黃花孤冷憐今日
白紵吟哦憶昔時夜渚月明秋黯黯青山雲斷草離離
生芻欲致無由達醪盡風前酒幾卮

畫蘭贈郭子壽

澤畔行吟別有春相思憔悴過靈均慚無佳句酬公子
不向西方怨美人尺幅偶然留醉墨三生還許認花身
澧蘭沅芷真同伴却對蘅皋一爽神

李光森

八首

字星衢道光副貢官同安訓導有梅吟草

荔農詩話
星衢詩南